

Нифос вақтидаги тарк қилинган намоз қазо қилинмаслиги | Ҳадис дарслари (252-дарс)



19:00 / 21.10.2023 2996

أَهْنَعُ هَلَلَا يَضَرَّ مَلَسٌ مُؤْنَعُ
ءَأَسَفُنْ لَاتَنَّا كُتَلَا قُ
هَلَلَا لُؤْسَرِ دَعُ يَلَعُ سَلُجَاتُ
مَلَسَوِ هَيْلَعُ هَلَلَا يَلَصُ

يَلُطَنُ أَنْكَفَ، أَمْ وَيَنِيغَبْرَأُ فَلَكُلَانِمَسْرُولَابْ أَنْهَوْجُو دُوَادُوبْ أَوْ يِذِمَّرْتَلْ أَوْ

Умму Салама розияллоху анҳодан ривоят қилинади:

«Нифос кўрган аёллар Расулуллоҳ соллаллоху алайҳи васалламнинг даврларида қирқ кун ўтирар эдилар. Юзларимизга нарса тошиб кетиб, варас суртиб олар эдик».

Термизий ва Абу Довуд ривоят қилганлар.

Умму Салама онамизнинг бу гапларидан фарзанд туғиб, нифос кўрган аёллар қирқ кунгача намоз ўқимай, рўза тутмай ва бошқа ибодат қилмай ўтирар эканлар.

Ушбу ҳадиси шарифни далил қилиб, Ҳанафий ва Ҳанбалий мазҳаби уламолари «Нифоснинг энг кўп муддати қирқ кун», деганлар. Бола туққан аёлдан қирқ кундан ортиқ вақтда ҳам қон келаверса, ўша қирқ кундан ортиғи нифос ҳисобланмайди. Қирқ кун тўлганидан кейин аёл ғусл қилади ва ибодатларини адо этишни бошлайди. Нифос ман қилган бошқа нарсалар ҳам жоиз бўлади.

«Нифоснинг ози эса бир лаҳза ҳам бўлиши мумкин», дейишади баъзи уламолар. Лекин кўпчилик уламолар «Нифоснинг озининг чегараси йўқ», дейдилар. Оддий ҳолатларда нифос қони тўхтаган вақт нифоснинг охириги вақти бўлади.

Умму Салама онамизнинг айтишларича, қирқ кун нифосда ўтириб, аёлларнинг юзларига турли нарсалар тошиб кетар экан. Ўша нарсаларга қарши Ямандан келтирилган сариқ рангли варас номли набототдан суртиб олар эканлар. Бу ҳам узоқ вақт яхшилаб тозаланмаслик оқибатида содир бўлар экан.

ءاسنن نم ءارملا ت ناك : اهنغو
هه ل ع ه ل ل ا ي ل ص ي ب ن ل ا
س اف ن ل ا ي ف د ع ق ت م ل س و
اهرم اي ال ء ل ي ل ن ي ع ب ر ا
ء ال ص ء اض ق ب ر ي ب ن ل ا
د و ا د و ب ا ه ا و ر س اف ن ل ا

Яна ўша кишидан ривоят қилинади:

«Набий соллаллоҳу алайҳи васалламнинг аёлларидан бири нифосда қирқ кеча ўтирар, Набий соллаллоҳу алайҳи васаллам уни нифос (пайтидаги) намозининг қазосини ўқишга буюрмас эдилар».

Абу Довуд ривоят қилган.

Ушбу ривоятдаги Пайғамбар соллаллоҳу алайҳи васалламнинг аёллари, деганда қизлари ва қариндошлари ҳам тушунилади. Чунки Пайғамбар соллаллоҳу алайҳи васалламнинг хотинларидан Ҳадича онамиз ва чўрилари Мория Қибтиядан бошқалари туғмаганлар. Бу ҳадисдан олинадиган фойдалар:

1. Нифоснинг ғолиб муддати қирқ кун эканлиги.
2. Нифос кўрган аёл намоз ўқимаслиги.
3. Нифос вақтидаги тарк қилинган намоз қазо қилинмаслиги.

«Ҳадис ва ҳаёт» китобининг 4-жузи асосида тайёрланди.

Ушбу китоб Ўзбекистон Республикаси Дин ишлари бўйича қўмитанинг 2022 йил 18 февралдаги 03-07/1102-рақамли хулосаси асосида чоп этилган.

